

Na osnovu člana 5. i 29. Zakona o Vladi Tuzlanskog kantona („Službene novine Tuzlanskog kantona“, br. 17/00, 1/05, 11/06 i 13/11 i 15/17), člana 33. stav (2) Zakona o kulturi („Službene novine Tuzlanskog kantona“, broj: 22/21), a u vezi sa članom 82. stav (2) Zakona o izvršenju budžeta Tuzlanskog kantona za 2026. godinu („Službene novine Tuzlanskog kantona“, br. 18/25 i 3/26), Vlada Tuzlanskog kantona na sjednici održanoj dana 21.04.2026. godine, d o n o s i

11/1

ODLUKU

o utvrđivanju uslova, kriterija i postupka za raspodjelu sredstava sa potrošačke jedinice 32010003 – Podrška u oblasti kulture u 2026. godini

Član 1.

(Predmet)

(1) Ovom odlukom utvrđuju se uslovi, kriteriji i postupak raspodjele sredstava u iznosu od 473.000,00 KM sa potrošačke jedinice 32010003 - Podrška u oblasti kulture.

(2) Sredstva su utvrđena u razdjelu 32 Budžeta Tuzlanskog kantona (u daljem tekstu: Budžet Kantona) za 2026. godinu, glava 01, potrošačko mjesto 0003 – Podrška u oblasti kulture na ekonomskim kodovima:

- a) 613900 - Ugovorene i druge posebne usluge u iznosu od 13.000,00 KM,
- b) 614200 - Tekući transferi pojedincima u iznosu od 50.000,00 KM,
- c) 614300 - Tekući transferi neprofitnim organizacijama u iznosu od 370.000,00 KM i
- d) 614500 - Subvencije privatnim preduzećima i poduzetnicima u iznosu od 40.000,00 KM.

Član 2.

(Korisnici i namjena sredstava)

(1) Sredstva iz člana 1. stav (2) tačka a) ove odluke dodjeljuju se:

a) dobavljačima koji će pružati ugovorene i druge posebne usluge u postupcima javnih nabavki koje provodi Ministarstvo za kulturu, sport i mlade Tuzlanskog kantona (u daljem tekstu: Ministarstvo) za finansiranje troškova štampanja i izrade promotivnog materijala za manifestaciju „Dani evropskog naslijeđa“ i za finansiranje troškova isplate honorara stručnom žiriju iz stava 17. stav (5) ove odluke i izrade plakete u okviru realizacije manifestacije Književni susreti „Derviš Sušić“.

b) članovima Savjeta za kulturu, u vidu naknade za rad, u skladu sa rješenjem Ministra za kulturu, sport i mlade Tuzlanskog kantona (u daljem tekstu: Ministar).

(2) Dio sredstava iz člana 1. stav (2) tačka b) ove odluke dodjeljuju se autorima, suautorima ili autorima spojenog djela odnosno publikacije i namijenjena su za sufinansiranje troškova programa/projekta izdavačke djelatnosti.

(3) Dio sredstava iz člana 1. stav (2) tačka b) ove odluke dodjeljuje se dobitniku Književne nagrade „Derviš Sušić“ za najbolje književno djelo objavljeno u 2025. godini, autoru najboljeg književnog djela za područje Bosne i Hercegovine.

(4) Dio sredstava iz člana 1. stav (2) tačka c) ove odluke dodjeljuje se ustanovama, udruženjima i fondacijama registrovanim za obavljanje djelatnosti kulture iz člana 11. stav (1) Zakona o kulturi („Službene novine Tuzlanskog kantona“, broj: 22/21 - u daljem tekstu: Zakon) i namijenjena su za sufinansiranje programa/projekata u oblasti kulture, programa/projekata izdavačke djelatnosti i programa/projekata filmske umjetnosti i audiovizuelnog stvaralaštva.

(5) Dio sredstava iz člana 1. stav (2) tačka c) ove odluke dodjeljuje se Udruženju građana Centar za promociju i razvoj "Activus" za implementaciju dijela aktivnosti utvrđenih programom manifestacije Književni susreti „Derviš Sušić“ za 2026. godinu iz člana 5. stav (5) ove odluke.

(6) Sredstva iz člana 1. stav (2) tačka d) ove odluke dodjeljuju se privrednim društvima koja djelatnost kulture obavljaju u vidu osnovne djelatnosti kao i obrtnicima koji djelatnost kulture obavljaju u vidu jedinog zanimanja, a namijenjena su za sufinansiranje programa/projekata u oblasti kulture, programa/projekata izdavačke djelatnosti i programa/projekata filmske umjetnosti i audiovizuelnog stvaralaštva.

Član 3.

(Raspodjela sredstava)

(1) Raspodjela sredstava iz člana 1. stav (2) tačka a) ove odluke sa ekonomskog koda 613900 - Ugovorene i druge posebne usluge u ukupnom iznosu od 13.000,00 KM vršiti će se na sljedeći način:

- a) u iznosu do 7.000,00 KM za namjene iz člana 2. stav (1) tačka a) ove odluke;
- b) u iznosu do 6.000,00 KM za namjene iz člana 2. stav (1) tačka b) ove odluke.

(2) Raspodjela sredstava iz člana 1. stav (2) tačka b) ove odluke sa ekonomskog koda 614200 - Tekući transferi pojedincima u iznosu od 50.000,00 KM vršiti će se na sljedeći način:

- a) u iznosu od 40.000,00 putem javnog poziva za namjene iz člana 2. stav (2) ove odluke;
- b) u iznosu od 3.000,00 putem poziva za prikupljanje prijave za dodjelu Književne nagrade „Derviš Sušić“ za najbolje književno djelo objavljeno u 2025. godini za namjene iz člana 2. stav (3) ove odluke;
- c) u iznosu od 7.000,00 KM putem posebnih odluka Ministarstva za namjene iz člana 2. stav (2) ove odluke, uz prethodno podnesen zahtjev fizičkog lica autora, suautora ili autora spojenog djela, sa preciziranom namjenom utroška sredstava, uz ispunjavanje uslove iz člana 10. i 11. ove odluke.

(3) Raspodjela sredstava iz člana 1. stav (2) tačka c) ove odluke sa ekonomskog koda 614300- Tekući transferi neprofitnim organizacijama u ukupnom iznosu od 370.000,00 KM vršiti će se na sljedeći način:

- a) u iznosu od 220.000,00 KM putem javnog poziva za namjene iz člana 2. stav (4) ove odluke za sufinansiranje programa/projekata iz oblasti kulture;
- b) u iznosu od 10.000,00 KM putem javnog poziva za namjene iz člana 2. stav (4) ove odluke za sufinansiranje programa/projekata izdavačke djelatnosti;
- c) u iznosu od 50.000,00 KM putem javnog poziva za namjene iz člana 2. stav (4) ove odluke za sufinansiranje programa/projekata filmske umjetnosti i audiovizuelnog stvaralaštva;
- d) u iznosu od 80.000,00 KM putem posebnih odluka Ministarstva za namjene iz člana 2. stav (4) ove odluke, uz prethodno podnesen zahtjev ustanove, udruženja ili fondacije, sa detaljnim opisom programa/projekta (izuzev za programe/projekte izdavačke djelatnosti) i preciziranom namjenom utroška sredstava, uz ispunjavanje uslova iz članova 7. i 8. ove odluke za programe/projekte u oblasti kulture, članova 10. i 11. ove odluke za programe/projekte izdavačke djelatnosti i članova 13. i 14. ove odluke za programe/projekte filmske umjetnosti i audiovizuelnog stvaralaštva.
- e) u iznosu od 10.000,00 KM za namjene iz člana 2. stav (5) ove odluke, a u skladu sa potpisanim ugovorom između Ministarstva i Udruženja građana Centar za promociju i razvoj "Activus" i na osnovu odluke Ministarstva o odobravanju finansijskih sredstava.

(4) Raspodjela dijela sredstava iz člana 1. stav (2) tačka d) ove odluke sa ekonomskog koda 614500 - Subvencije privatnim preduzećima i poduzetnicima u ukupnom iznosu od 40.000,00 KM vršiti će se putem javnog poziva za namjene iz člana 2. stav (6) ove odluke na sljedeći način:

- a) u iznosu od 5.000,00 KM putem javnog poziva za sufinansiranje programa/projekata iz oblasti kulture,
- b) u iznosu od 30.000,00 KM putem javnog poziva za sufinansiranje programa/projekata izdavačke djelatnosti,
- c) u iznosu od 5.000,00 KM putem javnog poziva za sufinansiranje programa/projekata filmske umjetnosti i audiovizuelnog stvaralaštva.

Član 4.

(Manifestacija „Dani evropskog naslijeđa“)

(1) Ministarstvo donosi odluku o temi manifestacije „Dani evropskog naslijeđa“ za 2026. godinu iz člana 2. stava (1) tačka a) ove odluke i koordinira realizaciju aktivnosti uz učešće javnih ustanova i javnog preduzeća iz resorne nadležnosti, kao i ostalih pravnih i fizičkih lica koja imaju kapacitete da svojim aktivnostima doprinesu uspješnoj organizaciji i prepoznatljivosti navedene manifestacije.

(2) Ministarstvo imenuje koordinaciono tijelo koje se sastoji od zaposlenika Ministarstva, predstavnika javnih ustanova i javnog preduzeća iz resorne nadležnosti, te predstavnika Savjeta za kulturu.

(3) Koordinaciono tijelo donosi plan aktivnosti za realizaciju manifestacije „Dani evropskog naslijeđa“ za 2026. godinu.

(4) Predsjednik koordinacionog tijela se imenuje iz reda zaposlenika Ministarstva.

(5) Javne ustanove i javno preduzeće iz resorne nadležnosti, kao i Savjet za kulturu dostavljaju prijedlog za imenovanje svojih predstavnika u koordinacionom tijelu.

(6) Predsjednik koordinacionog tijela je po okončanju manifestacije iz stava (1) ovog člana dužan dostaviti Ministru izvještaj o realizovanim aktivnostima.

(7) Ministarstvo će u skladu sa namjenom iz člana 2. stav (1) tačka a) ove odluke dodijeliti sredstva u iznosu do 3.000,00 KM za finansiranje troškova štampanja i izrade promotivnog materijala za manifestaciju „Dani evropskog naslijeđa“.

(8) Javne ustanove iz resorne nadležnosti će u skladu sa planom aktivnosti iz stava (3) ovog člana, sa svojih pozicija Budžeta Kantona osigurati finansiranje aktivnosti za koje su zadužene, dok će javno preduzeće iz resorne nadležnosti osigurati medijsku promociju manifestacije „Dani evropskog naslijeđa“.

Član 5.

(Manifestacija Književni susreti „Derviš Sušić“)

(1) Ministarstvo realizuje manifestaciju Književni susreti „Derviš Sušić“ iz člana 2. stava (1) tačka a) ove odluke povodom dana rođenja znamenitog bosansko-hercegovačkog pisca Derviša Sušića kroz organizaciju predavanja, konferencija, okruglih stolova, panela i drugih kulturnih sadržaja, uz učešće javnih ustanova i javnog preduzeća iz resorne nadležnosti, a u saradnji sa Odsjekom za bosanski jezik i književnost Filozofskog fakulteta Univerziteta u Tuzli (u daljem tekstu: Odsjek za bosanski jezik i književnost).

(2) Ministarstvo imenuje organizacioni odbor koji se sastoji od zaposlenika Ministarstva, predstavnika javnih ustanova i javnog preduzeća iz resorne nadležnosti, te predstavnika Odsjeka za bosanski jezik i književnost.

(3) Javne ustanove i javno preduzeće iz resorne nadležnosti, kao i Odsjek za bosanski jezik i književnost dostavljaju prijedlog za imenovanje svojih predstavnika u organizacionom odboru.

(4) Predsjednik organizacionog odbora se imenuje iz reda zaposlenika Ministarstva.

(5) Organizacioni odbor donosi program manifestacije Književni susreti „Derviš Sušić“ za 2026. godinu sa specifikacijom troškova za realizaciju svake aktivnosti, koji dostavlja Ministru.

(6) Ministarstvo će povjeriti implementaciju dijela aktivnosti utvrđenih programom iz stava (5) ovog člana Udruženju građana Centar za promociju i razvoj "Activus" i dodijeliti sredstva za namjene iz člana 2. stav (5) ove odluke, u skladu sa potpisanim ugovorom između Ministarstva i Udruženja građana Centar za promociju i razvoj "Activus", kojim će se definisati prava i obaveze potpisnika, a nakon potpisivanja ugovora Ministarstvo će donijeti odluku o odobravanju finansijskih sredstava.

(7) Ministarstvo će u skladu sa namjenom iz člana 2. stav (1) tačka a) ove odluke dodijeliti sredstva u iznosu do 4.000,00 KM za finansiranje troškova realizacije manifestacije Književni susreti „Derviš Sušić“ i to za isplatu honorara stručnom žiriju iz stava 17. stav (5) ove odluke i izradu plakete iz stava (8) ovog člana.

(8) U okviru manifestacije iz stava (1) ovog člana, u svrhu promocije izuzetnih dostignuća u oblasti književnosti, a povodom obilježavanja dana rođenja pisca Derviša Sušića, Ministarstvo dodjeljuje nagradu pod nazivom: Književna nagrada „Derviš Sušić“ za najbolje književno djelo objavljeno u 2025. godini, autoru najboljeg književnog djela za područje Bosne i Hercegovine, a sastoji se od novčane nagrade u iznosu od 3.000,00 KM i plakete.

(9) Ministarstvo objavljuje poziv za prikupljanje prijava za dodjelu Književne nagrade „Derviš Sušić“ za najbolje književno djelo objavljeno u 2025. godini.

(10) Podnosioci prijava za dodjelu Književne nagrade „Derviš Sušić“ za najbolje književno djelo objavljeno u 2025. godini treba da ispunjavaju sljedeće uslove:

- a) da su autori književnog djela na bosanskom, srpskom ili hrvatskom jeziku (neće se uzeti u razmatranje djela suautora ili spojena djela);
- b) da imaju prebivalište na području Bosne i Hercegovine;
- c) da je književno djelo pisano latiničnim ili ćiričnim pismom;
- d) književno djelo mora biti objavljeno u 2025. godini;
- e) da su na književnom djelu naznačeni podaci o publikaciji (CIP) i međunarodni standardni knjižni broj (ISBN);
- f) književno djelo mora biti u prvom izdanju.

Član 6.

(Kriteriji za vrednovanje prilikom dodjele Književne nagrade „Derviš Sušić“ za najbolje književno djelo objavljeno u 2025. godini)

Programi/projekti koji ispunjavaju uslove iz člana 5. stav (10) ove odluke se vrednuju na osnovu sljedećih kriterija:

- a) strukturiranje teksta;
- b) svrsishodnost motiva;
- c) jezik književnog djela;
- d) stilska osobitost;
- e) estetska vrijednost.

Član 7.

(Uslovi za programe/projekte u oblasti kulture izuzev programa/projekata izdavačke djelatnosti te filmske umjetnosti i audiovizuelnog stvaralaštva)

(1) Podnosioci prijave za dodjelu sredstva putem javnog poziva za sufinansiranje programa/projekta iz oblasti kulture treba da ispunjavaju sljedeće uslove:

- a) da imaju sjedište u Tuzlanskom kantonu (u daljem tekstu: Kanton);
- b) da su u momentu raspisivanja javnog poziva za dodjelu sredstva registrovani za obavljanje djelatnosti u oblasti kulture najmanje godinu dana u skladu sa zakonom;
- c) da su izmirili obaveze po osnovu poreza i obaveznih doprinosa;
- d) da se predloženi program/projekat odnosi na djelatnost kulture u skladu sa članom 11. stav (1) Zakona;
- e) da za predloženi program/projekat nisu dobili sredstva sa drugih budžetskih pozicija Budžeta Kantona u 2026. godini;
- f) da su opravdali namjenski utrošak sredstava dodijeljenih od strane Ministarstva za period 2018-2025. godina;
- g) da se predloženi program/projekat realizuje u 2026. godini (izuzetno prema procjeni Ministarstva moguće je da rok realizacije projekta bude duži, ali najduže do 31.01.2027. godine).

(2) Izuzetno, sredstva se mogu dodijeliti i podnosiocima prijave sa sjedištem izvan područja Kantona, koji su registrovani na teritoriji Bosne i Hercegovine i koji ispunjavaju uslove iz stava (1) tačka b) do g) ovog člana, ako se radi o programima/projektima od naročitog interesa za Kanton, što će se cijeliti u svakom konkretnom slučaju.

(3) Zbog ograničenog iznosa sredstava, podnosilac prijave za dodjelu sredstava putem javnog poziva može predložiti jedan program/projekat u oblasti kulture, za koji se može dodijeliti maksimalno do 10.000,00 KM.

(4) Programi/projekti iz stava (1) tačka d) ovog člana ne mogu biti u suprotnosti sa važećim posebnim propisima za pojedine djelatnosti kulture.

Član 8.

(Programi/projekti u oblasti kulture koji se neće podržati)

Finansijski se neće podržati programi/projekti u oblasti kulture:

- a) koji su bazirani na promociji aktivnosti političkih stranaka;
- b) kojima se podrazumijeva finansiranje plaća (bruto i neto lični dohodak) zaposlenika, kao i naknada za rad članovima upravljačkih tijela i odgovornim licima u pravnom licu;
- c) koji su usmjereni na finansiranje redovnog funkcionisanja pravnog lica;
- d) podnosioca prijave koji su budžetski korisnici koji se finansiraju iz Budžeta Kantona;
- e) kojima se podrazumijeva finansiranje adaptacije, rekonstrukcije, investicionog ulaganja u obnovu objekata;
- f) kojima se podrazumijeva isključivo kupovina opreme osim ako je oprema neophodna za uspješnu implementaciju ostalih projektnih aktivnosti (a što je neophodno obrazložiti u projektnom prijedlogu), te koji su usmjereni na nabavku opreme za drugo pravno ili fizičko lice.

Član 9.

(Kriteriji za vrednovanje programa/projekata u oblasti kulture)

Programi/projekti koji ispunjavaju uslove iz člana 7. ove odluke se vrednuju na osnovu sljedećih kriterija:

- a) kvalitet programa/projekta i doprinos podizanju kulturnog nivou u kantonu;
- b) kontinuiranost programa/projekta i njegova tradicijska osnova (projektne aktivnosti koje imaju dugoročan učinak i održivost);
- c) adekvatna zastupljenost općina/gradova;
- d) značaj programa/projekta za kulturni život zajednice i društva;
- e) saradnja sa drugim sličnim organizacijama na domaćem i međunarodnom planu;
- f) afirmisanje kulture Kantona.

Član 10.

(Uslovi za programe/projekte izdavačke djelatnosti)

(1) Podnosioci prijave za dodjelu sredstva po javnom pozivu za sufinansiranje programa/projekta izdavačke djelatnosti treba da ispunjavaju sljedeće uslove:

- a) da su izdavač ili autor ili jedan od suatora ili autora spojenog djela sa područja Kantona;
- b) da su časopis, knjiga ili druga publikacija u vezi sa djelatnostima kulture u skladu sa članom 11. stav (1) Zakona;
- c) da su predočene najmanje dvije stručne recenzije, izuzev ukoliko je riječ o godišnjaku;
- d) da su izmirili obaveze po osnovu poreza i obaveznih doprinosa (odnosi se samo na podnosiocce prijave koji su pravna lica i obrtnici iz člana 2. stavovi (4) i (6) ove odluke);
- e) da su autori, suautori ili autori spojenog djela programa/projekta izdavačke djelatnosti za koji podnose prijavu (odnosi se samo na podnosiocce prijave koji su fizička lica iz člana 2. stav (2) ove odluke);
- f) da se programom/projektom traženi troškovi odnose isključivo na izdavanje publikacije u smislu odredaba Zakona o izdavačkoj djelatnosti („Službene novine Tuzlanskog kantona“, broj: 3/02 - u daljem tekstu: Zakon o izdavačkoj djelatnosti);

- g) da su uz prijavu dostavili predračune ili fakture sa fiskalnim računima i izvodima iz banke za troškove koji se, u skladu sa finansijskim planom programa/projekta, traže od Ministarstva (odnosi se samo na podnosiocima prijave koji su fizička lica iz člana 2. stav (2) ove odluke);
- h) da za predloženi program/projekat nisu dobili sredstva sa drugih budžetskih pozicija Budžeta Kantona u 2026. godini;
- i) da su opravdali namjenski utrošak sredstava dodijeljenih od strane Ministarstva za period 2018-2025. godina;
- j) da se predloženi program/projekat realizuje u 2026. godini (izuzetno prema procjeni Ministarstva moguće je da rok realizacije projekta bude duži, ali najduže do 31.01.2027. godine).

(2) Zbog ograničenog iznosa sredstava, podnosilac prijave za dodjelu sredstava putem javnog poziva može ostvariti pravo na maksimalno 3.000,00 KM po programu/projektu izdavačke djelatnosti.

Član 11.

(Programi/projekti izdavačke djelatnosti koji se neće podržati)

Finansijski se neće podržati programi/projekti izdavačke djelatnosti:

- a) koji su udžbenici i druga nastavna sredstva;
- b) koji su bazirani na promociji aktivnosti političkih stranaka;
- c) koji su projekti dnevne, sedmične i mjesečne štampe;
- d) podnosioca prijave koji su budžetski korisnici koji se finansiraju iz Budžeta Kantona;
- e) više od pet programa/projekata jednog podnosioca prijave (odnosi se samo na podnosiocima prijave koji su pravna lica i obrtnici iz člana 2. stavovi (4) i (6) ove odluke);
- f) više od jednog programa/projekata istog autora, suautora ili autora spojenog djela.

Član 12.

(Kriteriji za vrednovanje programa/projekata izdavačke djelatnosti)

Programi/projekti koji ispunjavaju uslove iz člana 7. ove odluke se vrednuju na osnovu sljedećih kriterija:

- a) kvalitet izdavačkog programa/projekata;
- b) doprinos programa/projekta promociji kulture i kulturnih vrijednosti u Kantonu;
- c) jačanje kulturnih kapaciteta/razvoj kulturnog kapitala.

Član 13.

(Uslovi za programe/projekte filmske umjetnosti i audiovizuelnog stvaralaštva)

(1) Podnosioci prijave za dodjelu sredstva po javnom pozivu za sufinansiranje programa/projekta filmske umjetnosti i audiovizuelnog stvaralaštva treba da ispunjavaju sljedeće uslove:

- a) da imaju sjedište u Kantonu;
- b) da su registrovani za obavljanje filmske umjetnosti i audiovizuelnog stvaralaštva, odnosno privredna društva da djelatnost filmske umjetnosti i audiovizuelnog stvaralaštva obavljaju u vidu osnovnog zanimanja, a obrtnici u vidu jedinog zanimanja;
- c) da se projektne aktivnosti odnose na sufinansiranje filmskih projekata ili komplemetarnih djelatnosti;
- d) da za predloženi program/projekat nisu dobili sredstva sa drugih budžetskih pozicija Budžeta Kantona u 2026. godini;
- e) da su opravdali namjenski utrošak sredstava dodijeljenih od strane Ministarstva za period 2018-2025. godina;

f) da se predloženi program/projekat realizuje u 2026. godini (izuzetno prema procjeni Ministarstva moguće je da rok realizacije projekta bude duži, ali najduže do 31.01.2027. godine).

(2) Izuzetno, sredstva se mogu dodijeliti i podnosiocima prijave sa sjedištem izvan područja Kantona, koji su registrovani na teritoriji Bosne i Hercegovine i koji ispunjavaju uslove iz stava (1) tačka b) do f) ovog člana, ako se radi o programima/projektima od naročnog interesa za Kanton, što će se cijeliti u svakom konkretnom slučaju.

(3) Filmski projekti iz stava (1) tačka c) ovog člana obuhvataju kinematografske, televizijske, dokumentarne, crtane i kratkometražne filmove, a sufinansiranje se odnosi na faze izrade filmskih projekata (predprodukcija, produkcija, postprodukcija i distribucija).

(4) Komplementarne djelatnosti iz stava (1) tačka c) ovog člana se odnose na: organizaciju filmskih festivala i filmskih smotri, organizaciju i učešće bosanskohercegovačkog filma na festivalima i smotrama te regionalnu i međuentitetsku saradnju u vezi sa realizacijom filmskih projekata.

(5) Zbog ograničenog iznosa sredstava, podnosilac prijave za dodjelu sredstava putem javnog poziva može predložiti jedan projekat sufinansiranja komplementarnih djelatnosti, za koji se može dodijeliti maksimalno do 5.000,00 KM.

Član 14.

(Programi/projekti filmske umjetnosti i audiovizuelnog stvaralaštva koji se neće podržati)

Finansijski se neće podržati programi/projekti filmske umjetnosti i audiovizuelnog stvaralaštva:

- a) koji su bazirani na promociji aktivnosti političkih stranaka;
- b) kojima se podrazumijeva finansiranje plaća (bruto i neto lični dohodak) zaposlenika, kao i naknada za rad članovima upravljačkih tijela i odgovornim licima u pravnom licu;
- c) koji su usmjereni na finansiranje redovnog funkcionisanja pravnog lica;
- d) podnosilaca prijave koji su budžetski korisnici koji se finansiraju iz Budžeta Kantona;
- e) kojima se podrazumijeva finansiranje adaptacije, rekonstrukcije, investicionog ulaganja u obnovu objekata;
- f) više od dva programa/projekta filmske umjetnosti i audiovizuelnog stvaralaštva podnosioca prijave.

Član 15.

(Kriteriji za vrednovanje programa/projekata filmske umjetnosti i audiovizuelnog stvaralaštva)

Programi/projekti koji ispunjavaju uslove iz člana 14. ove odluke se vrednuju na osnovu sljedećih kriterija:

- a) umjetnička vrijednost i kreativni koncept;
- b) produkcijska i tehnička izvodljivost (samo za filmske projekte);
- c) da udio bosansko-hercegovačkih autora i saradnika osigurava promociju i da bitno doprinosi razvoju bosansko-hercegovačke filmske djelatnosti (samo za filmske projekte);
- d) reference podnosioca prijave i učesnika u programu/projektu;
- e) društveni uticaj i vidljivost;
- f) međunarodna saradnja.

Član 16.

(Sredstva koja se ne smatraju dohotkom)

Sredstva dodjeljena za namjene iz člana 2. stav (2) i stav (3) ove odluke ne smatraju se dohotkom u smislu odredaba Zakona o porezu na dohodak („Službene novine Federacije Bosne i Hercegovine“, br. 10/08, 9/10, 44/11, 7/13 i 65/13).

Član 17.

(Postupak i način dodjele sredstava)

(1) Poziv za prikupljanje prijava za dodjelu Književne nagrade „Derviš Sušić“ za najbolje književno djelo objavljeno u 2025. godini iz člana 5. stav (10) ove odluke objavljuje Ministarstvo na web stranici Vlade Tuzlanskog kantona: www.vladatk.gov.ba i web stranici Ministarstva: www.mksmtk.gov.ba (u daljem tekstu: web stranice Vlade i Ministarstva).

(2) Ministar će imenovati komisiju za utvrđivanje formalno-pravne ispravnosti prijava koja se sastoji od 3 člana imenovanih iz reda zaposlenika Ministarstva.

(3) Komisija za utvrđivanje formalno-pravne ispravnosti prijava donosi Poslovnik o radu kojim bliže uređuje način rada, a o svom radu vodi zapisnik.

(4) Komisija za utvrđivanje formalno-pravne ispravnosti prijava ima zadatak da otvori i razmatra pristigle prijave u pogledu ispunjavanja uslova iz člana 5. stav (10) ove odluke i da sačini Listu formalno-pravno ispravnih prijava i Listu formalno-pravno neispravnih prijava, koje dostavlja Ministru.

(5) Nakon dostavljanja listi iz stava (4) ovog člana, Ministar će na prijedlog Odsjeka za bosanski jezik i književnost imenovati stručni žiri koji se sastoji od 3 člana iz reda istaknutih stručnjaka iz oblasti književnosti.

(6) Ministar dostavlja stručnom žiriju primjerke književnog djela uvrštene na Listu formalno-pravno ispravnih prijava iz stava (4) ovog člana, a zadatak stručnog žirija je da vrednuje sva dostavljena književna djela u skladu sa kriterijima iz člana 6. ove odluke, sačini Rang-listu književnih djela za dodjelu Književne nagrade „Derviš Sušić“ za najbolje književno djelo objavljeno u 2025. godini, te odabere najbolje književno djelo.

(7) Žiri o svom radu vodi zapisnik čiji je sastavni dio i rang-lista iz stava (6) ovog člana, dodjeljuje bodove od 1-10 za svaki od kriterija pojedinačno, a ukupan broj bodova za književno djelo predstavlja zbir svih bodova dodijeljenih po svakom kriteriju.

(8) Na osnovu rang-liste iz stava (6) ovog člana Ministar donosi odluku o dodjeli Književne nagrade „Derviš Sušić“ za najbolje književno djelo objavljeno u 2025. godini.

(9) Dodjela sredstava iz člana 3. stav (2) tačka a), člana 3. stav (3) tačke a), b) i c) i člana 3. stav (4) ove odluke vrši se putem javnog poziva koji raspisuje Ministarstvo i objavljuje na web stranicama Vlade i Ministarstva, maksimalno do iznosa utvrđenih u članu 7. stav (3), članu 10. stav (2) i članu 13. stav (5) ove odluke, do raspodjele ukupnih sredstava predviđenih za utvrđene namjene.

(10) Ministar će imenovati stručnu komisiju za otvaranje, razmatranje, vrednovanje i odabir programa/projekata (u daljem tekstu: Komisija), koja se sastoji od 5 članova imenovanih iz reda istaknutih stručnjaka iz oblasti kulture i zaposlenika Ministarstva, te 2 zamjenska člana od kojih je jedan imenovan iz reda istaknutih stručnjaka iz oblasti kulture i 1 iz reda zaposlenika Ministarstva.

(11) U svom radu Komisija može, radi što objektivnijeg vrednovanja pojedinih prijava, zatražiti konsultacije eksperata iz oblasti kulture i dodatno pojašnjenje od strane podnosioca prijave.

(12) Komisija donosi Poslovnik o radu kojim bliže uređuje način rada, a o svom radu vodi zapisnik.

(13) Komisija razmatra pristigle prijave u pogledu ispunjavanja uslova iz članova 7., 10. i 13. ove odluke, vrši procjenu kvalitete programa/projekta prema kriterijima za vrednovanje iz članova 9., 12. i 15. ove odluke i sačinjava Preliminarnu rang-listu korisnika sredstava sa pozicije „Podrška u oblasti kulture“ za 2026. godinu sa prijedlogom iznosa sredstava i Preliminarnu listu kandidata čije su prijave neuredne, neblagovremene, nepotpune i neosnovane za dodjelu sredstava sa pozicije „Podrška u oblasti kulture“ za 2026. godinu, koje se objavljuju na web stranicama Vlade i Ministarstva.

(14) Komisija dodjeljuje usaglašene bodove od 1-5 za svaki od kriterija pojedinačno, na sljedeći način: 1-veoma loše; 2-loše; 3-odgovarajuće; 4-dobro; 5-veoma dobro.

(15) Ukupan broj bodova za program/projekat predstavlja zbir svih bodova dodijeljenih po svakom kriteriju.

(16) Samo programi/projekti koji su ostvarili više od polovine maksimalnog ukupnog broja bodova će biti sufinansirani.

(17) U zavisnosti od ostvarenog ukupnog broja bodova, Komisija predlaže iznose sredstava za dodjelu kandidatima za programe/projekte u oblasti kulture kako slijedi:

- za ostvarenih 16-19 bodova dodjeljuje se iznos u rasponu do 2.500,00 KM,
- za ostvarenih 20-23 bodova dodjeljuje se iznos u rasponu od 2.501,00-5.000,00 KM,
- za ostvarenih 24-27 bodova dodjeljuje se iznos u rasponu od 5.001,00-7.500,00 KM,
- za ostvarenih 28-30 bodova dodjeljuje se iznos u rasponu od 7.501,00-10.000,00 KM.

(18) U zavisnosti od ostvarenog ukupnog broja bodova, Komisija predlaže iznose sredstava za dodjelu kandidatima za programe/projekte izdavačke djelatnosti kako slijedi:

- za ostvarenih 8-9 bodova dodjeljuje se iznos u rasponu do 500,00 KM,
- za ostvarenih 10-11 bodova dodjeljuje se iznos u rasponu od 501,00-1.000 KM,
- za ostvarenih 12 bodova dodjeljuje se iznos u rasponu od 1.001,00-1.500,00 KM,
- za ostvarenih 13 bodova dodjeljuje se iznos u rasponu od 1.501,00-2.000,00 KM,
- za ostvarenih 14 bodova dodjeljuje se iznos u rasponu od 2.001,00-2.500,00 KM,
- za ostvarenih 15 bodova dodjeljuje se iznos u rasponu od 2.501,00-3.000,00 KM.

(19) U zavisnosti od ostvarenog ukupnog broja bodova, Komisija predlaže iznose sredstava za dodjelu kandidatima za programe/projekte filmske umjetnosti i audiovizuelnog stvaralaštva kako slijedi:

a) za sufinansiranje filmskih projekata

- za ostvarenih 16-20 bodova dodjeljuje se iznos do 60% raspoloživih sredstava u članu 3. stav (3) tačka c), odnosno članu 3. stav (4) tačka c),
- za ostvarenih 21-25 bodova dodjeljuje se iznos od 61% do 80% raspoloživih sredstava u članu 3. stav (3) tačka c), odnosno članu 3. stav (4) tačka c),
- za ostvarenih 26-30 bodova dodjeljuje se iznos od 81% do 100% raspoloživih sredstava u članu 3. stav (3) tačka c), odnosno članu 3. stav (4) tačka c).

b) za sufinansiranje komplementarnih djelatnosti

- za ostvarenih 11-13 bodova dodjeljuje se iznos u rasponu do 1.000,00 KM,
- za ostvarenih 14-16 bodova dodjeljuje se iznos u rasponu od 1.001,00-2.500,00 KM,
- za ostvarenih 17-19 bodova dodjeljuje se iznos u rasponu od 2.501,00-4.000,00 KM,
- za ostvarenih 20 bodova dodjeljuje se iznos u rasponu od 4.001,00-5.000,00 KM.

(20) Na objavljene liste iz stava (13) ovog člana svi kandidati imaju pravo prigovora u roku od sedam dana od dana objavljivanja listi na web stranici Vlade kantona i Ministarstva, a koji se podnosi Ministarstvu u pisanoj formi i o istom odlučuje Ministar u roku od 8 dana od dana isteka roka za podnošenje prigovora.

(21) Nakon isteka rokova iz stava (20) ovog člana i nakon odlučivanja po uložnim prigovorima, Ministar donosi Konačnu rang-listu korisnika sredstava sa pozicije „Podrška u oblasti kulture“ u 2026. godini (u daljem tekstu: Konačna rang lista), koja se objavljuje na web stranicama Vlade i Ministarstva.

Član 18.

(Odluka o raspodjeli sredstava)

(1) Na osnovu Konačne rang-liste Ministarstvo donosi pojedinačne odluke o odobravanju finansijskih sredstava, korisnicima, iznosima i namjeni finansijskih sredstava u okviru Javnog poziva za odabir korisnika sredstava sa pozicije „Podrška u oblasti kulture“ u 2026. godini.

(2) Ministarstvo će sa korisnicima sredstava sa Konačne rang-liste zaključiti ugovore kojima će se utvrditi međusobna prava i obaveze ugovornih strana.

(3) Na osnovu pojedinačnih odluka iz stava (1) ovog člana i ugovora iz stava (2) ovog člana doznačit će se sredstva korisnicima na pojedinačne transakcijske račune.

Član 19.

(Način prijave i potrebna dokumentacija)

- (1) Podnosilac prijave za dodjelu Književne nagrade „Derviš Sušić“ za najbolje književno djelo objavljeno u 2025. godini je obavezan dostaviti sljedeću dokumentaciju:
 - a) Obrazac I - Prijavni obrazac za dodjelu Književne nagrade „Derviš Sušić“ za najbolje književno objavljeno u 2025. godini djelo popunjen i potpisan;
 - b) uvjerenje o kretanju izdato od Ministarstva unutrašnjih poslova s područja Bosne i Hercegovine (original ili ovjerena fotokopija);
 - c) 3 primjerka prvog izdanja književnog djela.
- (2) Podnosilac prijave, je prilikom podnošenja prijave za dodjelu sredstva za sufinansiranje programa/projekata u oblasti kulture, obavezan dostaviti sljedeću dokumentaciju:
 - a) Obrazac II-Prijavni obrazac za programe/projekate u oblasti kulture, popunjen, potpisan od strane ovlaštenog lica i ovjeren pečatom;
 - b) Obrazac III-Prijedlog programa/projekta u oblasti kulture sa finansijskim planom programa/projekta kojim se aplicira, koji sadrži potpunu specifikaciju troškova i visinu sredstava koja se potražuje od Ministarstva;
 - c) rješenje o upisu u odgovarajući registar pravnih lica kod nadležnog organa kao i sve naknadne izmjene, odnosi se samo na udruženja i fondacije (ovjerena fotokopija);
 - d) aktuelni izvod iz odgovarajućeg registra pravnih lica ne stariji od tri mjeseca od dana objave javnog poziva, odnosi se samo na privredna društva i ustanove;
 - e) uvjerenje nadležne gradske/općinske službe koje treba da sadrži ime i prezime fizičkog lica koje obavlja obrtničku djelatnost, šifru djelatnosti, firmu, broj i datum rješenja o obrtu, kao i da li se obrt obavlja u osnovnom, dopunskom ili dodatnom zanimanju, odnosi se samo na obrte (original ili ovjerena fotokopija);
 - f) obavještenje o razvrstavanju – Klasifikacija djelatnosti (ovjerena fotokopija);
 - g) uvjerenje o poreskoj registraciji (ovjerena fotokopija);
 - h) listu programa/projekata u oblasti kulture, realizovanih u 2025. godini, potpisanu od strane ovlaštenog lica i ovjerenu pečatom, dok podnosioci prijave koji nisu realizovali niti jedan program/projekat u oblasti kulture u 2025. godini dostavljaju izjavu o navedenoj činjenici potpisanu od strane ovlaštenog lica i ovjerenu pečatom;
 - i) izjavu ovjerenu kod nadležnog gradskog/općinskog organa ili notara da podnosilac prijave za predloženi program/projekat nije dobio sredstva sa drugih budžetskih pozicija Budžeta Kantona u 2026. godini;
 - j) uvjerenje/potvrdu o urednom izmirenju direktnih poreza, doprinosa za PIO/MIO i doprinosa za zdravstveno osiguranje izdato od nadležne Poreske uprave, ne starije od tri mjeseca od dana objave javnog poziva (original ili ovjerena fotokopija);
 - k) uvjerenje/potvrdu o urednom izmirenju indirektnih poreza, izdato od Uprave za indirektno oporezivanje, ne starije od tri mjeseca od dana objave javnog poziva. Podnosilac prijave koji nije sistemu PDV-a dostavlja izjavu o navedenoj činjenici, ovjerenu kod nadležnog gradskog/općinskog organa ili notara (original ili ovjerena fotokopija);
 - l) potvrdu od banke o broju otvorenog transakcijskog računa, ne starija od tri mjeseca od dana objave javnog poziva, u kojoj je jasno naznačeno da račun podnosioca prijave nije blokiran. Za budžetske korisnike koji koriste depozitne račune potrebno je dostaviti potvrdu od nadležnog organa uprave na čije je ime otvoren depozitni račun, s brojem depozitnog računa i instrukcijom za plaćanje (original ili ovjerena fotokopija).

(3) **Podnosilac prijave - pravno lice i obrtnik je prilikom podnošenja prijave za dodjelu sredstva za sufinansiranje programa/projekata izdavačke djelatnosti, obavezno dostaviti sljedeću dokumentaciju:**

- a) **Obrazac IV- Prijavni obrazac za pravna lica i obrtnike za programe/projekte izdavaštva, popunjen, potpisan od strane ovlaštenog lica i ovjeren pečatom;**
- b) **rješenje o upisu u odgovarajući registar pravnih lica kod nadležnog organa kao i sve naknadne izmjene, odnosi se samo na udruženja i fondacije (ovjerenena fotokopija);**
- c) **aktuelni izvod iz odgovarajućeg registra pravnih lica ne stariji od tri mjeseca od dana objave javnog poziva, odnosi se samo na privredna društva i ustanove (original ili ovjerenena fotokopija);**
- d) **uvjerenje nadležne gradske/općinske službe koje treba da sadrži ime i prezime fizičkog lica koje obavlja obrtničku djelatnost, šifru djelatnosti, firmu, broj i datum rješenja o obrtu, kao i da li se obrt obavlja u osnovnom, dopunskom ili dodatnom zanimanju, odnosi se samo na obrte (original ili ovjerenena fotokopija);**
- e) **uvjerenje o poreskoj registraciji (ovjerenena fotokopija);**
- f) **obavještenje o razvrstavanju – Klasifikacija djelatnosti (ovjerenena fotokopija);**
- g) **finansijski plan predloženog izdavačkog programa/projekata, sa potpunom specifikacijom troškova i visinom sredstava koju potražuje od Ministarstva;**
- h) **uvjerenje/potvrdu o urednom izmirenju direktnih poreza, doprinosa za PIO/MIO i doprinosa za zdravstveno osiguranje izdato od nadležne Poreske uprave, ne starije od tri mjeseca od dana objave javnog poziva (original ili ovjerenena fotokopija);**
- i) **uvjerenje/potvrdu o urednom izmirenju indirektnih poreza, izdato od Uprave za indirektno oporezivanje, ne starije od tri mjeseca od dana objave javnog poziva. Podnosilac prijave koji nije sistemu PDV-a dostavlja izjavu o navedenoj činjenici, ovjerenenu kod nadležnog gradskog/općinskog organa ili notara (original ili ovjerenena fotokopija);**
- j) **izjavu o publikacijama izdatim u 2025. godini, ovjerenenu kod nadležnog gradskog/općinskog organa ili notara, dok podnosioci prijave koji nisu izdali niti jednu publikaciju u 2025. godini dostavljaju izjavu o navedenoj činjenici ovjerenenu kod nadležnog gradskog/općinskog organa ili notara;**
- k) **potvrdu ili drugi dokaz izdat od strane Javne ustanove Narodna i univerzitetska biblioteka „Derviš Sušić“ Tuzla (Biblioteke kantona), Nacionalne i univerzitetske biblioteke Bosne i Hercegovine i javne biblioteke na svom općinskom području o tome da je, u skladu sa članom 9. Zakona o izdavačkoj djelatnosti izvršena obaveza dostavljanja obaveznog broja primjeraka izdatih publikacija prema navedenim bibliotekama u 2025. godini, dostavljaju samo podnosioci prijave koji su imali izdate publikacije u 2025. godini (original ili ovjerenena kopija);**
- l) **odluku izdavača ili drugi dokument kojim je utvrđena cijena jednog primjerka publikacije (original ili ovjerenena fotokopija);**
- m) **dvije stručne recenzije (sa originalnim potpisima recenzenata), izuzev ukoliko je riječ o godišnjaku;**
- n) **izjavu ovjerenenu kod nadležnog gradskog/općinskog organa ili notara da podnosilac prijave za predloženi program/projekat nije dobio sredstva sa drugih budžetskih pozicija Budžeta Kantona u 2026. godini;**
- o) **potvrdu od banke o broju otvorenog transakcijskog računa, ne starija od tri mjeseca od dana objave javnog poziva, u kojoj je jasno naznačeno da račun podnosioca prijave nije blokiran. Za budžetske korisnike koji koriste depozitne račune potrebno je dostaviti**

potvrdu od nadležnog organa uprave na čije je ime otvoren depozitni račun, s brojem depozitnog računa i instrukcijom za plaćanje (original ili ovjerena fotokopija).

(3) Podnosilac prijave - fizičko lice je obavezno prilikom podnošenja prijave za dodjelu sredstava za sufinansiranje programa/projekata izdavačke djelatnosti, dostaviti sljedeću dokumentaciju:

- a) Obrazac V-Prijavni obrazac za fizička lica za programe/projekte izdavaštva, popunjen i potpisan;
- b) uvjerenje o kretanju izdato od Ministarstva unutrašnjih poslova Tuzlanskog kantona (original ili ovjerena fotokopija);
- c) finansijski plan predloženog izdavačkog programa/projekata, sa potpunom specifikacijom troškova i visinom sredstava koju potražuje od Ministarstva;
- d) izjavu o publikacijama izdatim u 2025. godini, ovjerenu kod nadležnog gradskog/općinskog organa ili notara, dok podnosioci prijave koji nisu izdali niti jednu publikaciju u 2025. godini dostavljaju izjavu o navedenoj činjenici ovjerenu kod nadležnog gradskog/općinskog organa ili notara;
- e) potvrdu ili drugi dokaz izdat od strane Javne ustanove Narodna i univerzitetska biblioteka „Derviš Sušić“ Tuzla (Biblioteke kantona), Nacionalne i univerzitetske biblioteke Bosne i Hercegovine i javne biblioteke na svom općinskom području o tome da je, u skladu sa članom 9. Zakona o izdavačkoj djelatnosti izvršena obaveza dostavljanja obaveznog broja primjeraka izdatih publikacija prema navedenim bibliotekama u 2025. godini, dostavljaju samo podnosioci prijave koji su imali izdate publikacije u 2025. godini (original ili ovjerena kopija);
- f) izjavu ovjerenu kod nadležnog gradskog/općinskog organa ili notara o cijeni jednog primjerka publikacije, sa odgovarajućim predračunima ili fakturama sa fiskalnim računima za troškove koji se u skladu sa finansijskim planom programa/projekta traže od Ministarstva;
- g) izjavu ovjerenu kod nadležnog gradskog/općinskog organa ili notara da je autor programa/projekta izdavačke djelatnosti za koji podnosi prijavu, dok svi suautori ili autori spojenog djela dostavljaju izjave da su suautori ili autori spojenog djela programa/projekta izdavačke djelatnosti za koji se podnosi prijava;
- h) izjave ostalih suautora ili autora spojenog djela ovjerene kod nadležnog gradskog/općinskog organa ili notara da su saglasni da podnosilac podnese prijavu za program/projekat izdavačke djelatnosti,
- i) dvije stručne recenzije (sa originalnim potpisima recenzenata), izuzev ukoliko je riječ o godišnjaku;
- j) izjavu ovjerenu kod nadležnog gradskog/općinskog organa ili notara da podnosilac prijave za predloženi program/projekat nije dobio sredstva sa drugih budžetskih pozicija Budžeta Kantona u 2026. godini.

(4) Podnosilac prijave je prilikom podnošenja prijave za dodjelu sredstva za sufinansiranje programa/projekata filmske umjetnosti i audiovizuelnog stvaralaštva, obavezan dostaviti sljedeću dokumentaciju:

- a) Obrazac VI- Prijavni obrazac za sufinansiranje programa/projekata filmske umjetnosti i audiovizuelnog stvaralaštva, popunjen, potpisan od strane ovlaštenog lica i ovjeren pečatom;
- b) Obrazac VII-Prijedlog programa/projekta filmske umjetnosti i audiovizuelnog stvaralaštva sa finansijskim planom programa/projekta kojim se aplicira, koji sadrži potpunu specifikaciju troškova i visinu sredstava koja se potražuje od Ministarstva;
- c) rješenje o upisu u odgovarajući registar pravnih lica kod nadležnog organa kao i sve naknadne izmjene, odnosi se samo na udruženja i fondacije (ovjerena fotokopija);

- d) aktuelni izvod iz odgovarajućeg registra pravnih lica ne stariji od tri mjeseca od dana objave javnog poziva, odnosi se samo na privredna društva i ustanove (original ili ovjerena fotokopija);
 - e) uvjerenje nadležne gradske/općinske službe koje treba da sadrži ime i prezime fizičkog lica koje obavlja obrtničku djelatnost, šifru djelatnosti, firmu, broj i datum rješenja o obrtu, kao i da li se obrt obavlja u osnovnom, dopunskom ili dodatnom zanimanju, odnosi se samo na obrte (original ili ovjerena fotokopija),
 - f) uvjerenje o poreskoj registraciji (ovjerena fotokopija);
 - g) obavještenje o razvrstavanju – Klasifikacija djelatnosti (ovjerena fotokopija);
 - h) uvjerenje/potvrdu o urednom izmirenju direktnih poreza, doprinosa za PIO/MIO i doprinosa za zdravstveno osiguranje izdato od nadležne Poreske uprave, ne starije od tri mjeseca od dana objave javnog poziva (original ili ovjerena fotokopija);
 - i) uvjerenje/potvrdu o urednom izmirenju indirektnih poreza, izdato od Uprave za indirektno oporezivanje, ne starije od tri mjeseca od dana objave javnog poziva. Podnosilac prijave koji nije sistemu PDV-a dostavlja izjavu o navedenoj činjenici, ovjerenu kod nadležnog gradskog/općinskog organa ili notara (original ili ovjerena fotokopija);
 - j) sinopsis, odnosi se samo na podnosiocce prijave za sufinansiranje filmskih projekata;
 - k) izjavu ovjerenu kod nadležnog gradskog/općinskog organa ili notara da podnosilac prijave za predloženi program/projekat nije dobio sredstva sa drugih budžetskih pozicija Budžeta Kantona u 2026. godini;
 - l) izjavu ovjerenu kod nadležnog gradskog/općinskog organa ili notara sa iskazanim procentualnim udjelom bosansko-hercegovačkih autora i saradnika, odnosi se samo na podnosiocce prijave za sufinansiranje filmskih projekata;
 - m) izjavu ovjerenu kod nadležnog gradskog/općinskog organa ili notara o realizovanim projektima u oblasti filmske umjetnosti i audiovizuelnog stvaralaštva u posljednjih pet godina, bez obzira na to od koga su sredstva dobivena (izjava između ostalog treba da sadrži sljedeće podatke: naziv projekta, ciljna grupa, ciljevi, trajanje realizacije, ukupan iznos finansiranja i izvori finansiranja te broj korisnika);
 - n) potpisana minimalno jedna biografija suautora audiovizuelnog djela (autor prilagodbe, glavni redatelj, autor scenarija, autor dijaloga, glavni snimatelj, kompozitor filmske muzike) ili producenta;
 - o) potvrdu od banke o broju otvorenog transakcijskog računa, ne starija od tri mjeseca od dana objave javnog poziva, u kojoj je jasno naznačeno da račun podnosioca prijave nije blokiran. Za budžetske korisnike koji koriste depozitne račune potrebno je dostaviti potvrdu od nadležnog organa uprave na čije je ime otvoren depozitni račun, s brojem depozitnog računa i instrukcijom za plaćanje (original ili ovjerena fotokopija).
- (5) **Obrazac I-Prijavni obrazac za dodjelu Književne nagrade „Derviš Sušić“ za najbolje književno djelo objavljeno u 2025. godini, Obrazac II-Prijavni obrazac za programe/projekate u oblasti kulture, Obrazac III-Prijedlog programa/projekta sa finansijskim planom programa/projekta kojim se aplicira, Obrazac IV-Prijavni obrazac za pravna lica i obrtnike za programe/projekte izdavačke djelatnosti, Obrazac V-Prijavni obrazac za fizička lica za programe/projekte izdavačke djelatnosti, Obrazac VI-Prijavni obrazac za sufinansiranje programa/projekata filmske umjetnosti i audiovizuelnog stvaralaštva i Obrazac VII-Prijedlog programa/projekta filmske umjetnosti i audiovizuelnog stvaralaštva nalaze se u prilogu ove odluke, čine njen sastavni dio i mogu se preuzeti na web stranicama Vlade i Ministarstva.**

Član 20.

(Preraspodjela sredstava)

U slučaju da se ne utroše predviđena sredstva po pojedinim namjenama iz člana 3. ove odluke, neutrošeni iznos se može preraspodijeliti za druge namjene utvrđene članom 3. ove odluke, za koje predviđena sredstva eventualno ne budu dovoljna.

Član 21.

(Nedostatak sredstava)

U slučaju nedostatka sredstava u Budžetu Kantona za 2026. godinu, obustavlja se realizacija dodjele sredstava u potpunosti ili djelimično, srazmjerno nedostajućim sredstvima.

Član 22.

(Dostavljanje izvještaja)

(1) Korisnici kojima su odobrena sredstva pojedinačnim odlukama Ministra iz člana 18. stav (1) ove odluke dostavljaju Ministarstvu narativni i finansijski izvještaj o namjenskom utrošku sredstava sa pratećom računovodstveno-finansijskom dokumentacijom, na način i u rokovima koji će se definisati ugovorom iz člana 18. stav (2) ove odluke.

(2) Korisnici sredstava kojima su odobrena sredstva putem posebnih odluka Ministarstva iz člana 3. stav (2) tačka c) i stav (3) tačka d) i tačka e) ove odluke također su obavezni dostaviti Ministarstvu narativni i finansijski izvještaj o namjenskom utrošku sredstava sa pratećom računovodstveno-finansijskom dokumentacijom u roku utvrđenom posebnom odlukom kojom su im sredstva dodijeljena.

(3) Korisnici koji ne postupe u skladu sa odredbama stavova (1) i (2) ovog člana ne mogu ostvariti pravo na dodjelu sredstava za sufinansiranje programa/projekta za narednu godinu.

Član 23.

(Primjena drugih propisa)

Na pitanja koja nisu definisana ovom odlukom primjenjivat će se Odluka Vlade Tuzlanskog kantona o minimalnim standardima dodjele budžetskih sredstava putem transfera i subvencija u Tuzlanskom kantonu („Službene novine Tuzlanskog kantona“, broj: 4/26).


Član 24.

(Stupanje na snagu)

Odluka stupa na snagu danom donošenja i biti će objavljena u “Službenim novinama Tuzlanskog kantona”.

BOSNA I HERCEGOVINA
Federacija Bosne i Hercegovine
TUZLANSKI KANTON
VLADA

Broj: 02/1-36-11 009-9/26
Tuzla, 21.04.2026. godine



PREMIJER KANTONA

Irfan Halilagić